

楊  
州  
畫  
舫  
錄

揚州畫舫錄卷十

儀徵 李斗著

虹橋錄上

虹橋脩禊元崔伯亨花園今洪氏別墅也洪氏有二園虹橋脩禊爲大洪園卷石洞天爲小洪園大洪園有二景一爲虹橋脩禊一爲柳湖春泛是園爲王文簡賦冶春詩處後盧轉運脩禊亦于此因以虹橋脩禊名其景列于牙牌二十四景中恭邀

賜名倚虹園園門在渡春橋東岸門內爲妙遠堂堂右爲饒春堂臨水建飲虹閣閣外方壺島嶼濕翠浮嵐堂後開竹徑水次設小馬頭逶迤入涵碧樓樓後宜石房旁建層屋 賜名

致佳樓直南爲桂花書屋右有水廳面西一片石壁用水穿透  
脊不可測廳後牡丹最盛由牡丹西入領芳軒軒後築詩臺十  
餘楹臺旁松栢楷鬱然濃陰近水築樓二十餘楹抱灣而轉  
其中築倚棻亭外爲臨水大門築廳三楹題曰紅橋修禊旁建  
碑亭供奉 御製詩二首一云紅橋自屬廣陵事園倚虹橋偶  
問津闌處笙歌宜遠聽老人年紀愛親詢柳拖弱絮學垂手梅  
展芳姿初試嘔預借花朝爲上巳冶春慣是此都民一云情知  
石墅郡城西遂艤蘭舟步薛堤花木正佳二月景人家疑住武  
陵溪笙謔隔水翻嫌鬧池館藏筠致可題片刻徘徊還進舫蜀  
岡秀色重相俟



紅橋修浚湖春泛二景



紅橋錄上圖一以

妙遠堂園中待遊客地也湖上每一園必作深堂飭庖廩以供

歲時宴游如是堂之類聯云河邊淑氣迎芳草孫城上春陰覆

苑精杜甫堂右築饒春堂聯云鶯啼燕語芳菲節毛熙震蜨影蜂聲

爛熳時李建勳旁通水閣十餘間如曲尺額曰飲虹閣峭廊飛梁

朱橋粉郭互相掩映目不暇給

涵碧樓前惟石突兀古松盤曲如蓋穿石而過有崖峻嶒秀拔

近若咫尺其右密孔泉出迸流直下水聲泠泠入于湖中有石

門剝裂風大不可逼視兩壁搖動欲摧崖樹交抱聚石爲步寬

者可通舟下多尺二繡尾魚崖上有一二釣人終年于是爲業

樓後灌陰葑莽濃翠撲衣其旁有小屋屋中疊石于梁棟上作

鐘乳垂狀其下巉峴崢嶸千疊萬複七八折趨至屋前深沼中屋中置石几榻盛夏坐之忘暑嚴寒塞堦几上加貂鼠絨絨又可以圍爐圍飲真詭制也

致佳樓五楹供奉御扁石刻及花木正佳二月景人家疑住武陵溪一聯是樓亦在崔園舊址之內樓後皆新闢荒地并轉角橋西口之冶春茶社園入園中自是園始三面臨水水局乃大中築桂花書屋逶迤連絡小室數十間令游者恂悅弗知所之

倚虹園之勝在于水水之勝在于水廳自桂花書屋穿曲廊北折又西建廳事臨水窻牖洞開使花山澗湖光石壁褰裳而來

夜不列羅幃畫不空畫屏清交素友往來如織晨餐夕膳芳氣  
竟如涼苑疎寮雲堦月地真上黨慰斗臺也

湖上水廊以四橋烟雨之春水廊爲最水閣以九峯園之風漪  
閣四橋烟雨之錦鏡閣爲最水館以錦泉花嶼之微波館爲最  
水堂以荷蒲薰風之來薰堂爲最水樓則以是園之脩禊樓爲  
最蓋以水局勝也樓在園東南隅灣如曲尺樓下開門上供奉  
御扁倚虹園三字及柳拖弱縷學垂手梅展芳姿初試嘔一  
聯門前卽水馬頭

園門右廳事三楹中楹屏間鼓兒上刻紅橋脩禊四字大徑尺  
餘旁築短垣開便門通轉角橋



王士正字子真一字貽上號阮亭別號漁洋山人山東新城人  
高祖名重光官貴州布政使曾祖名之垣官戶部左侍郎祖名  
象普官浙江布政使父與敕貢入太學兄士祿官員外郎士禧  
貢生弟士祐進士公順治乙未進士歷官刑部尙書謚文簡著  
有帶經堂集精華錄定本及十種詩話公以文學詩話爲當代  
稱總持風雅數十年先是順治己亥選揚州府推官庚子三月  
抵郡城八月充江寧鄉試同考官辛丑三月有事江寧居秦淮  
邀笛步有白門集壬寅春與杜濬張養重邱象隨陳允衡陳維  
崧修祿紅橋公作浣溪紗三闋爲紅橋唱和集癸卯冬充江寧  
武閣同考試官甲辰春復同林古渡杜濬張綱孫枝蔚程遂孫

默許承宣承家賦治春詩此皆公修禊事也吳偉業曰貽上在  
廣陵畫了公事夜接詞人冒襄曰漁洋文章結納遍天下客之  
訪平山堂唐昌觀者日以接踵漁洋詩酒流連曲盡欵洽客相  
對永日亦終不忍干以私嘗有一莫逆臨別公曰愧官貧無以  
爲長者壽署有十鶴敬贈其二誌素交也徐鉉曰紅橋在平山  
堂法海寺側貽上司理揚州日與諸名士遊讌于是過廣陵者  
多問紅橋矣宋商邱曰阮亭謁選得揚州推官游刃行之與諸  
士遊讌無虛日如白蘇之官杭風流欲絕劉體仁曰采明珠耀  
桂旗麗矣或率兒拜或袂從風如欲仙去治春詩獨步一代不  
必如鈇厓遁作別調乃見姿媚也王士祿曰貽上負夙慧神姿

清徹如瓊林玉樹朗然炤人爲揚州法曹日集諸名士于蜀岡  
紅橋間擊鉢賦詩香清茶熟絹素橫飛故陽羨陳其年有兩行  
小吏艷神仙爭羨君侯腸斷句之詠至今過廣陵者道其遺意  
彷彿歐蘇不徒憶樊川之夢也宗元鼎詩云休從白傅譎楊柳  
莫遣劉郎唱竹枝五日東風十日雨江樓齊唱冶春詞今以脩  
禊諸人及文簡在揚州所與往來者附載于後

杜濬初名詔字于皇號茶村湖廣黃岡人工詩僑居江寧鷄鳴  
山之右往來揚州與文簡友善脩禊時濬後至文簡詩云杜陵  
老叟窮可憐猶能斗酒詩百篇今朝何處爐頭醉知有人家送  
酒錢死後陳蒼洲太守鵬年葬于江寧太平門之麓著有變雅

堂集

張養重字子瞻號虞山別號柳冠道人山陽人工詩見文簡于揚州文簡曰夙愛足下南樓楚雨三更遠春水吳江一夜增平生如此好句復有幾子瞻退謂邱季貞曰昔快意之作不意阮亭一見便能道出時人謂之張山陽

邱象隨字季貞山陽人拔貢生詩與兄曙戒侍講齊名舉博學鴻詞官太子洗馬著西山紀年集

朱克生字國禎號秋厓寶應人巡按克簡之弟射陽湖中有環溪別墅

陳允衡字伯璣御史本子建昌人工詩東湖亂後與劉遠公流

寓鳩茲晚歸東湖葺雲卿蔬圃故址居之熊雪堂黎左巖邢孟貞顧與治皆稱其五字詩著有寶琴館集

陳維崧字其年宜興人工詩詞四六文年四十尙爲諸生日者謂之曰君至五十必入翰林梅杓司贈詩云朝來日者橋邊過爲許功名似馬周後舉博學鴻詞官檢討與徐仲鴻吳農祥王嗣槐吳任臣毛奇齡同爲大學士馮公延致邸第稱佳山六子文簡治春詩其年題其後云官舫銀燈賦冶春琅琊風調更誰倫玉山筵上頽唐甚意氣公然籠罩人王西樵曰其年浪捲前朝去英雄語也又曰其年短髯不修邊幅吾對之祇覺其嫵媚可愛以伊胸中有數千卷書耳壬子一日唐開寶以後七百年

無有其年此等四六之文其年著有湖海樓集檢討集皖江程師恭叔才爲檢討四六文註徐紫雲字雲郎揚州人冒辟疆家青童僕巧善誦與其年狎

林古度字茂之一字那子福建福清人崇禎間移居江寧工詩年八十貧甚冬夜眠敗絮中有恰如孤雁入蘆花之句方爾止文寄詩云積雪初晴鳥曬毛閑攜幼女出林臯家人莫怪兒衣薄八十五翁猶纏袍時文簡與之善常來揚州文宴于紅橋平山堂之間文簡親爲撰杖

張綱孫字祖望一名丹字泰亭別號竹隱君浙江錢塘人性恬淡工詩美鬚長尺餘手足胸背皆有毫寸許夏月好袒腹臥

大樹下好遊山水不避蛇虎得意輒長嘯詩名在西冷十子之間著有西冷二子從野堂等集文簡公治春詩云錢塘張髯詩絕倫謂此

孫枝蔚字豹人陝西三原人身長八尺聲如洪鐘眉廣額以詩文名少爲諸生遭流寇奮戈逐賊後走江都與王幼華吳野人郝羽吉汪舟次爲五友文簡治春詩云雍州孫郎筆有神謂此晚年舉博學鴻詞被放 詔布衣處士八人授司經局洗馬枝蔚與是選時杜越年八十四傅山年七十三未與試先歸中旨越山與枝蔚三人同授中書舍人後歸老江都立生壙于梅花書院之側作自輓詩

程邃字穆倩號江東布衣又號垢道人歙縣人博學工詩文精金石篆刻鑒別古書畫及銅玉器家藏亦夥善畫山水純用枯筆寫巨然法別具神味工隸書爲人品行端慤敦崇氣節早從漳浦黃公道周清江楊公廷麟遊晚年僑居江都文簡治春詩云白嶽黃山兩逸民卽謂邃與孫默也秀水曹侍郎溶過揚州作長誥贈之

孫默字無言休寧人工詩廣交遊急友誼風雅聲氣不介而罕早年居揚州晚歸黃山舊隱海內名士以詩文送之滿匣盈帙許承宣字力臣江都人康熙丙辰進士官至給事中首陳揚州水利賦役二疏辛酉典試陝西陳秦晉閭利弊六事請刊御



製文集悉見嘉納歸卒于家與其父明賢弟承家並祀鄉賢承家字師六康熙乙丑進士授編修辛未會試充同考官詩文與兄齊名著獵微閣集文簡冶春詩云雲間洛下齊名士謂此子昌齡官刑部主事孫迎年康熙庚辰進士官中書舍人道章辛卯舉人遡中癸巳解元迎年子佩璜官開封府上河同知以博學鴻詞舉信瑞乾隆戊午副榜

吳偉業字駿公號梅邨太倉州人崇正進士官國子監祭酒工詩與陳臥子齊名辛亥元旦夢上帝召爲泰山府君是歲病革作絕命詞云忍死偷生念載餘而今罪孽怎消除受恩欠債終須補縱比鴻毛也不如時有浙僧能前知訪之至曰今年元旦

已夢告公矣何必更問老僧遂卒

冒襄字辟疆號巢民如臯人父宗起崇禎末以吏部郎出鎮鄖襄襄以明經用爲司李不就以氣節尙與陳定生方以智吳次尾善稱四公子家有水繪園園有逸園梅塘湘中閣洗鉢池玉帶橋寒碧堂小三吾小浯溪諸勝乙巳春文簡有事如臯與邵潛陳維崧許嗣隆毛師桂修禊于是謁兒紫雲捧研于湘中閣杜濬後至不及會

邵潛字潛夫號五嶽外臣江南通州布衣僑居如臯工詩年八十苦徭役文簡以按部至縣屏從造訪與潛飲酒賦詩而還立除其役著友誼錄循吏傳

重刊金  
卷一  
許嗣隆字山濤

毛師桂字亦史

徐鈞字電發號虹亭吳江人文簡高弟子舉博學鴻詞官翰林  
檢討晚號楓江漁父

宋犖字牧仲商邱人文康公冢子工詩文以侍衛往來 殿廷  
交戟之間常畫蘇子瞻像貌已侍其側筮仕竟以黃州通守始  
既而南臨江淮北俯碣石開府江右累官至大家宰折節下士  
天下士多稱之謂之商邱先生

劉體仁字公誠潁州人父廷傳字惟中散家業以養客食常百  
數暇則兵法部署之體仁成進士官吏部考功司工詩有蒲庵

集未及前一日與其友蘇茂旂銘在鳳陽龍興寺禪喜竟日歸  
旅舍遂化去是夕見夢于蘇吟詩云六十年來一夢醒飄然四  
大御風輕與君昨日龍興寺猶是拖泥帶水行

王士祿字子底號西樵山人文簡之兄進士官吏部考功司員  
外郎工詩文經史之學著有表餘堂十笏草堂辛甲上浮然脂  
諸集餘如讀拾蒙拾米鳥逸史賓客別錄閨閣語林南榮曝餘  
錄羣言頭屑諸書率未卒業

張琴字桐峯江都人文簡高弟子進士授內閣中書深明吏治  
著有淮黃交會開濬海口諸議及漕運鹽法諸篇工詩有涉園  
耐菴等集

宗元鼎字定九號梅岑別號小香居士興化人名世之孫觀之  
子名世字良弼居江都萬歷己丑進士任紹興教授行至夢華  
橋夢江淹授三筆曰俾爾三世享文名後官至工部主事著蒙  
史畧含香堂文集觀字鶴岡副榜以詩傳元鼎工詩善才調集  
與楊因之思本齊名著有芙蓉齋新柳堂等集善畫似錢舜舉  
晚年隱于宜陰構東原草堂有古梅一株名宗郎梅冬日有草  
堂沈燕巢詩盛傳于世手藝草花數十種每辰擔花向紅橋坐  
賣得錢沽酒市人笑之謂之花顛自著賣花老人傳文簡與之  
友嘗畫紅橋小景寄之文簡詩云辛夷花照明寒食一醉紅橋  
便六年好景匆匆逐流水江城幾度沈郎錢又云紅橋秋柳最

多情露葉蕭條遠恨生好在東原舊居士雨窓著意寫蕪城  
費密字此度成都人少遭流寇竄身西域後溯漢江下淮南居  
江都野田莊授徒賣文以自活跛一足以大江流日夜孤艇接  
殘春句見知於文簡稱之爲跛道士晚年往蘇州謁孫鍾元稱  
弟子輯有宏道書聖門舊章及自著詩文若干卷子錫琮錫瓚  
皆能文

丁宏誨字景呂江西南昌人官獲鹿知縣往贈文簡詩有云風  
神欺玉樹逸興問瓊花後果遇於揚州

趙三騏字乾符號石渠江西韓城人官泰州同知工詩文簡嘗  
曰吾衙官屈宋矣著有似園集馬之驕字旻徠直隸雄縣人爲

江都主簿以詩文見知于文簡著詩訪後補壽張簿張秋志  
鄒祇謨字訐士號程邨武進人進士天資穎異過目靡所遺忘  
上自經史子集以及天文宗教百家之書細及古今人爵里姓  
氏世次年譜無不委記在揚州文簡與之撰倚聲集起萬歷迄  
順治以繼卓珂月徐野君詞綜之後著有遠志齋集竝麗農詞  
許琰字天玉號星齋福建侯官舉人工詩在揚州貧甚文簡有  
許琰送窮邗水上句著梁園集

顧樵字樵水吳江人工畫嘗寫文簡平山堂詩摘星樓閣浮雲  
裏一傍危欄坐楚江句爲之圖今以散佚自杜濬至于顧樵皆  
文簡時往來者後數十年復以風雅之稱歸諸盧抱孫轉運

盧見曾字抱孫號雅雨山人山東德州人父道悅字喜臣號楚山康熙辛丑進士官知縣入祀鄉賢著有公餘漫草清福堂遺稿公工詩文性度高廓不拘小節形貌矮瘦時人謂之矮盧辛卯舉人歷官至兩淮轉運使築蘇亭于使署日與詩人相酌咏一時文譙盛于江南乾隆乙酉揚州北郊建拳石洞天西園曲水紅橋攬勝冶春詩社長堤春柳荷浦薰風碧玉交流四橋烟雨春臺明月白塔晴雲三過留踪蜀岡晚照萬松疊翠花嶼雙泉雙峯雲棧山亭野眺臨水紅霞綠稻香來竹樓小市平岡艷雪二十景丁丑修袂虹橋作七言律詩四首云綠油春水木蘭舟步步亭臺邀逗留十里畫圖新闕苑二分明月舊揚州空憐



強酒還斟酌莫倚能詩漫唱酌昨日

宸遊新侍從

天

章捧出殿東頭重來修禊四經年熟識虹橋頭改前渚泮暢交  
零雨後浮圖高插綺雲巔雕欄曲曲生香霧嫩柳紛紛拂畫船  
二十景中誰最勝熙春臺上月初圓溪劃雙峯線棧通山亭一  
眺盡河東好來鬪茗清泉水會待圍荷受野風月度重欄香細  
細烟環遠郭影濛濛蓮歌漁唱舟橫處儼在明湖碧漲中迤邐  
平岡艷雪明竹樓小市賣花聲紅桃水暖春偏好綠稻香含秋  
最清合有管絃頻入夜那教士女不空城冶春舊調歌殘後獨  
立詩壇試一更其時和修禊酌者七千餘人編次得三百餘卷  
乙酉後湖上復增綠楊城郭香海慈雲梅嶺春深水雲勝槩四

景嘗中文譙嘗書之于牙牌以爲備觴之具謂之牙牌二十四  
景後休致跡里有留別詩云力慙宣勤敢自憐薄才久任受  
恩偏肯加孫冕餘三歲歸後歐公又九年犬馬有情仍戀

主參苓無效也憑天養痾得請懸車日五福誰云尙未全祖  
道長筵舟蒲河綠揚城郭動驪哥重來節使經三考歸去與人  
賦五絃絳帳唱醉通籍在潘門交際紀羣多二分明月尊前判  
半照離人返薜蘿平山回望更關愁標勝家家醉墨留十里林  
亭通畫舫一年簫鼓到深秋每看絳雪迎朱旆轉似青山戀白  
頭爲報先疇墓田在人生未合死揚州長河一曲繞柴門荒徑  
遙憐松菊存從此風波消宦海纔知烟月足家園枌榆社集牛

詞好伏臘筵開鶴髮尊痴願無多應易遂杖朝還有引年恩公  
兩經轉運座中皆天下士而貧而工詩者無不折節下交後趙  
雲崧觀察弔之有詩云虹橋修褱客題詩傳是揚州極盛時勝  
會不常今視昔我曹應又有人思其一時風雅可想見矣公子  
二長謙仕至武慎黃德道次謨十歲工詩善擘窠書孫四蔭浦  
蔭惠蔭恩蔭圖位皆通顯其時賓客脩記于左

戴震字東原休寧人爲漢儒之學精於音均律算少與江慎修  
游得其底蘊後來揚州爲公座上客惠棟沈大成見之目爲奇  
人游京師秦大司寇惠田延之纂五禮通考乾隆壬午舉于鄉  
奉 詔重輯永樂大典與邵晉涵周永年楊昌霖余集同入館

分纂四庫全書戊戌成進士 賜翰林院庶吉士官至編修後  
於京師著書滿家半皆未成之作曲阜孔疇谷刻其遺書考工  
圖註七經小記屈原賦注日編水經注水地記聲類表孟子字  
義疏證方言疏注策竿鈞股割圖記東原文集在館所校之書  
則爲水經注李如圭儀禮集釋文嘗注難經傷寒論金匱諸書  
亦未卒業

鮑臯字步江號海門鎮江丹徒人幼以詩見知尹嵯使極稱賞  
之舉博學鴻詞辭疾不就公延之署中著海門集子之鐘字雅  
堂進士官禮部郎中

惠棟字定宇號松崖蘇州元和人硯溪先生之孫半農先生之

子以孝聞于鄉博通今古與陳祖范顧棟高同舉經學公重其  
品延之爲校乾鑿度高氏戰國策鄭氏易鄭司農集尙書大傳  
李氏易傳匡謬正俗封氏見聞記唐摭言文昌雜錄北夢瑣言  
感舊集軒山左詩抄諸書著有周易述易漢學易例易微言九  
經古義古文尙書考明堂大道錄禘說山海經訓纂後漢書訓  
纂精華錄訓纂紅豆山房古文集大江南北爲惠氏之學者皆  
稱之曰紅豆三先生

汪舟次方伯馬秋玉主政兩家多藏書公每借觀因題其所寓  
樓爲借書樓贈方伯孫祓江詩云弓衣織遍海東頭博奧曾聞  
貫九邱猶喜遺編仍藻繡更番頻到借書樓贈秋玉詩云玲瓏

山館僻疆儔邱索搜羅苦未休數卷論衡藏秘笈多君慷慨借  
荊州

吳玉搢字山夫淮安山陽人精于小學爲公幕友後入京師秦  
尙書聘之修五禮通考著有別雅五卷金石存若干卷

嚴長明字東友 召試中書工詩精于金石之學著有元和郡  
縣志補

朱稻孫字稼翁嘉興秀水人彛尊孫舉博學鴻詞書法得唐人  
墓銘逸趣有詩集行于世

汪棣字韡懷號對琴又號碧谿儀徵廩生爲國子博士官至刑  
部員外郎工詩文與公爲詩友虹橋之會凡業齋者不得與唯

對琴與之多蓄異書性好賓客樽酒不空一時名下士如戴東  
原惠定宇沈學子王蘭泉錢辛楣王西莊吳竹嶼趙損之錢籜  
石謝金圃諸公往來邗上爲文酒之會子晉藩掌庭皆名諸生  
易諧字松滋歙縣人居揚州工詩築抱山堂以延四方名士與  
公爲詩友抱山者取孟郊好詩恒抱山句也中年家貧與東野  
同其遇著抱山堂詩選

鄭燮字克柔號板橋興化人進士官知縣宰范時有富家欲逐  
一貧壻以千金爲宰壽燮收其女爲義女復潛蓄其壻在署中  
及女入拜見燮出金合卺令其挽車同歸時稱盛德復以報灾  
事忤大吏罷歸鄉里嘗作一大布囊凡錢帛食物皆置于內隨

取隨用或遇故人子弟及同里貧善之家則傾與之徃來揚州有二十年前舊板橋印章與公唱和甚多著有板橋詩詞鈔及家書小唱工畫竹以八分書與楷書相雜自成一派今山東濰縣人多效其體

李蘄字嘯村安徽人能詩畫公之高足也嘗爲公作紅橋攬勝

圖

張宗蒼字默存一字墨岑號篁村蘇州吳縣人畫山水出黃尊古之門以淮北鹽官爲公僚屬與之定友乾隆十六年南巡

進畫冊命入京祇候內廷授戶部主事

王又樸字從先號介山直隸天津人爲河工縣丞以詩學受知



于公爲詩友著有大學古本

高鳳翰字西園號南村別號南阜老人又自稱老阜膠州人舉孝友端方爲歙縣丞公薦爲泰州分司工詩畫善書法稱三絕後與公同被逮抗辭不屈事因以得白病瘵右臂不仁作書用左手號尙左生又號丁已殘人愛視著硯史自爲壙銘曰知其生何必知死見其首何必見尾嗟爾死生類如此後窮餓死公哭之詩云乞米鴻歸箋正裁俄聞訣去豈勝哀巫咸不爲劉蕡下縣宰誰迎杜甫來落落清華蘭社盡堂堂著作玉樽開年來衰老愁傷逝况是凋零僅剩才最風流處却如痴顛米迂倪未是奇再散千金仍托鉢已輸一臂尙臨池殷生瀟灑談元日戴

椽昂藏對簿詞見說淮南傳故事遺文爭患少人知

祝應瑞字荔庭鎮江丹徒人爲芷稻河閘官工詩著有見山樓集告休後始知之作詩題其老漁圖云披圖重認舊同官白眼名流謝過難烟月一竿綸在手而今眞作老漁看

張輅字朴存江都布衣少簡靜不修邊幅孤直自喜有雄才偉畧善草書喪妻不再娶購一美人畫懸帳中衾影相對不自炊寄食鄉黨中雖一面之識造其廬飲啖自若工詩年六十作落花詩江外女子見之而死時公修襖詩和者殆遍惟惠棟不與輅不和韻并稱于時輅名由是大起輅善奕其友戒之曰與輅運奕須勝其一負其二輅許之及入四局皆勝座客爲之色變

焦五斗鎮江丹徒人孝然裔孫嘗作焦山志忽失去其子復得之于郡城骨董舖中公由是修金焦二山志

吳均字梅查歙縣人工詩構別墅名青棠觀與揚州二馬相唱和公數招之爲詩畧之會

沈廷芳字椒園

梁嶽字文山亳州人壬午副榜館于公署書法潤澤骨肉均勻尺五樓延山亭額其手蹟也

錢載字坤一號籀石浙江嘉興人工畫蘭竹以詩文見知於虞山相國舉經學及博學鴻詞科不售乾隆壬申成進士授編修歷官至工部侍郎著籀石齋集與公友善居使署一年多唱和

陳大可字餘庭浙江紹興人工篆隸二十四景榜聯多出其手  
周渠字懷亭江寧人工詩善八分書以松影入窻無句受知于  
公折節造廬書德馨堂額贈之招來揚州有詩高御史生辰詩  
膾炙一時

胡裘鏗字西垞浙江山陰人工詩貧甚上詩于公云駒隙奔馳  
又歲闌蕭蕭身世託江干布金地暖回春易列戟門高載拜難  
庾信賦成悲老大孟郊詩在惜孤寒自憐七字寒無力封上梅  
花閣下看公極賞之遂訂交焉

金兆燕字鍾樾號棕亭全椒人父渠字黎齋工詩有泰然齋集  
兆燕幼稱神童與張南華詹事齊名工詩詞尤精元人散曲公

延之使署十年凡園亭集聯及大戲詞曲皆出其手中年以舉人爲揚州枝官後成進士選博士入京供職三年歸揚州遊館于康山草堂著有贈雲軒詩文集子臺駿字篠村名諸生孫璉字退谷十二稱神童十五爲附生十六爲廩膳生十七而死自渠至璉稱爲金氏四才子

朱若水字遠仲號蘭石一號澹泉弟森桂字樹芳號立堂涇縣人兄弟以詩齊名公延之掌兩淮國課著有埴篔集西峯唱和小草立堂耽吟老而弗輟自訂詩集數百卷

張永貴字靜遠號樂齋廣寧人舉于鄉官淮北監掣同知工詩公與之多唱和

倪炳字赤文善鬻古書列肆天寧街額曰帶經堂爲公刻雅雨  
十種

文山爲靜慧寺僧書學退翁受知于公爲書蘇亭額公子謨十  
歲師事之能擘窠書其時牙牌二十四景半出其手

汪履之爲董公祠道士性恬淡有氣節以奕受知于公值公被  
逮出塞汪隨之三年公詩云桃花潭上水潺潺戀客情深詩早  
傳更有汪倫能送遠八千里外住三年後爲甘肅主簿死于長  
沙自戴震至于汪履之皆抱孫賓客也

虹橋修禊柳湖春泛名大洪園卷石洞天一段在轉角橋對過  
名小洪園

洪徵治字魏笏歙縣人子肇根字向宸肇松字奎芳並世其父  
肇業奎芳子錫豫字建侯工于詩

洪肇柱字殿書肇根弟有佛菩薩之號樂施常以參桂濟人  
方本字立堂儀徵籍工于屬文善楷書與弟谷同中己酉科舉  
人子仕燮字菊人仕杰字月查並深于詩壻洪薊林任俠自豪  
能急朋友之難

吳煨字杉亭一字荀叔全椒人父敏山徵君工詩久居揚州著  
金木山房集周髀算經補注煨幼稱才子 召試授中書與金  
兆燕齊名

顧天昭吳人工於算學其門弟子顧楷字妙臺盡得其術

徐柱臣字題容號雅宜崑山人工詩文書法蘇米來往揚州主于洪氏

史夢琦字陽湖人進士官吏部郎中出爲福建汀漳道嘗洪氏延之館于家

萬涵字石書儀徵人工草書于學無所不通食有兼人之量朱棠字暎軒蘇州吳縣人乙卯副榜工于詩文

柳夢鷹字東藜儀徵人工詩少游幕長爲巡鹽御史所知聲名鵲起後館于其家

法嘉蓀字辛侶丹徒人儲潤書字玉琴宜興人皆工詩館于其家與應澧齊名澧字叔雅仁和人工詩善書杭蕙浦之壻也



柳湖春泛在渡春橋西岸土阜翳鬱利于栽柳洪氏搆草閣題曰輞川圖畫閣後山徑蜿蜒入草亭曰流波華館館西步平橋入湖心亭復于東作版廊數折入舫屋曰小江潭皆用檔子法謂之點景如邗上農桑杏花村舍之類

輞川圖畫閣三楹在楊柳間樹光蒙密日色玲瓏禽鳥上下水

紋清妍聯云此地惟堪圖畫障

白居易

不妨遊更著南華

皮日休

流波華館後牆在湖濱前榮在湖中地上屐板板上以文磚亞次步之一片清空聯云澗道餘寒歷冰雪有浪花無際似瀟湘

溫庭筠

館右復作板廊數折入湖心亭左作宛轉橋曲折上小江

潭聯云竹室生虛白

陳子昂

波瀾動遠空

王維

冶春詩社在虹橋西岸康熙間虹橋茶肆名冶春社孔東塘爲之題榜旁爲玉山謁別墅厲樊榭有詩云王家樓子不多寬五月添衣怯晚寒樹底鳴蟬樹頭雨酒人泥殺曲欄杆卽此地也後歸田氏並以冶春社圍入園中題其景曰冶春詩社由輞川園畫閣旁卷牆門入叢竹中高樹或仰或偃惟石忽出忽沒構數十間小廊于山後時見時隱外構方亭題曰懷仙館館左小水口引水注池中上覆方版入秋思山房其旁構方樓通開道爲冶春樓樓南有槐蔭廳樓北有橋西草堂樓尾接香影樓後山構山亭二一曰歐譜一曰雲構

懷仙館入柱四榮重屋十脊臨水次前榮對鎮淮門市河聯云

白雲明月偏相識

任華

行酒賦詩樂未央

杜甫

秋思山房在水樹間聯云天氣涵竹氣

張說


山光滿湖光

馮憶余

戴

昔年夏間暑甚同人出小東門打漿而行濁河渾流狹束偃仄  
揮汗如雨迨出東水門山氣如墨白鷺翻波無何風雨驟至巖  
舟斗姥宮舟幾覆雨小舟子沿岸牽至治春樓上岸入樓中乃  
敞其室而聽雨焉園丁沽酒薦蔬逾時箸落杯空雨止湖上濃  
陰經雨如楷竹濕烟浮輕紗嫌薄東望倚虹園一帶雲歸別峯  
水抱斜城北望江雨又動寒色生于木末因移入樓南臨水方  
亭中待之不覺秋思漸生也

是園閣道之勝比東園而有其規矩無其沉重或連或斷隨處



冷春詩社



紅橋錄上圖一



通達由秋思山房後廳事三楹額曰槐蔭廳聯云小院迴廊春

寂寂

杜

朱闌芳草綠纖纖

劉

白廳入冶春樓聯云風月萬家河

兩岸

白居易

菖蒲翻葉柳交枝

盧

樓上三面躡虛西對曲岸林塘

南對花山洞北自小門入閣道兩邊東朱闥寬者可攜手偕行

窄者僅容一身漸行漸高下視闌外已在玉蘭樹蔭廊竟接露

臺置石几一磁墩四飲酒其上直可方之石曼卿巢飲旁點黃

石三四級閣道愈行愈西入香影樓蓋以文簡衣香人影句名

之聯云隄月橋邊好晴景

鄒

銀鞍綉轂盛繁華

玉

樓北小門又

入一層樓外作小露臺臺缺處疊黃石齒齒而下卽是園之樓

下廳也額曰橋西草堂聯云綠竹漫侵行徑裏

劉長卿

飛花故落

舞筵前

蘇

堂後旱門通紅橋西路

橋西草堂右由露臺一帶土氣積鬱疊以黃石嶙峋稜角老樹

眠卧侍立各盡其狀中構六角亭名曰歐譜四方亭名曰雲構

聯云山雨樹仍在

杜

亭香草不凡

張

土人周叟有田數畝屋數椽與園爲隣田氏以金購之弗肯售  
願爲園丁于園內種花養魚其子扣子得葉霖夫養菊法稱絕  
技是園有圍棗長三寸寬二寸以五色花箋印之上刻年月日  
園丁掃徑開門旁鈐橋西草堂印章

六安秀才葉霖夫善種菊與傍花村種法異不接艾梗不植籬  
條先去螻蛄蚯蚓薦食諸病根松青紫杞都歸自然著有將就

山房花譜以色分類如銅雀爭輝老圃秋容皆異艷絕世矦夫負性孤寂酒後耳熱雖名花價值百鍊持贈自若若不屑與雖重值弗顧也以獨得之奇思以種遍布天下歲丁酉來揚寓是園年餘土人多于其酒酣時餽得之至今尙傳其種然視矦夫所自植色減其半矣

虹橋卽紅橋在保障湖中府志云在北門外一名虹橋朱闌跨岸綠楊盈堤酒帘掩映爲郡城勝遊地鼓吹詞序云在城西北二里崇徵間形家設以鎖水口者朱闌數丈遠通兩岸彩虹卧波丹蛟截水不足以喻而荷香柳色曲檻雕楹鱗次環繞綿亘十餘里春夏之交繁弦急管金勒畫船掩映出沒于其間誠一



郡之舊觀也文簡游記云出鎮淮門循小秦淮折而北陂岸起  
伏竹木蒼鬱人家多因水爲園亭溪塘幽窈明瑟頗盡四時之  
美挈小艇循河西北行林下盡處有橋宛然如垂虹下飲于澗  
又如麗人靚粧照明鏡中所謂紅橋也紅橋原係板橋橋椿四  
層層各四椿橋板六層層各四板南北跨保障湖水口圍以紅  
欄故名紅橋丙辰黃郎中履昂改建石橋辛未後巡鹽御史吉  
慶普福高恒相次重建上建過橋亭紅改作虹園初制府于公  
建虹橋書院亦紀此橋之勝也宗定九有虹橋小景園盛雅雨  
有虹橋攬勝圖方耦堂有虹橋春泛圖明春巖有虹橋待月圖  
今皆不存唯程令延虹橋圖在揚州名園記中

揚州爲南北之衝四方賢士大夫無不至此予見聞所囿未能  
編記有遊跡數至而無專主之家以虹橋爲文酒聚會之地謹  
述於此以爲湖山增色云

梅文鼎字定九宣城人通天文律祿之學所著書百餘種詳見  
杭葦浦太史道古堂集中嘗遊楊和卓子任爾堪無題詩云廿  
四橋邊載野航六銖縹緲浣紅妝生兒應取桃花頰鸞尾湘鈎  
出短墻新詞吟罷倚雲鬢潯婉爭傳士女班紅葉御溝成往事  
重留詩話在人間爾堪江都人嘗從李文襄公討耿逆爲右軍  
前鋒有桃花嶺常山玉山并壓潮源口諸險之戰六年以母老  
辭歸放情山水嘗于上巳日與孔東塘吳蘭次鄧孝威李艾山

黃仙裳宗定九子發查二瞻蔣前民閔賓連王武徵景州欽州  
喬東湖朱恭宋西柯張楷石楊爾公吳彤本趙念昔王孚嘉楚  
士允文閔義行紅橋修禊此在漁洋之前東塘爲主人鹿墟詩  
云晴煖正逢修禊日泛舟難得使君問廟堂有議還開海賓客  
乘時且看山隋苑池塘青草外杏花樓館綠楊間笙歌更逐輕  
鷗去遍採芳蘭水一灣

朱彝尊字錫鬯號竹垞浙江秀水人舉博學鴻詞授檢討歸過  
揚州安麓村贈以萬金著經義攷馬秋玉爲之刊于揚州

閻若璩字百詩山西太原人僑寓山陽舉博學鴻詞不用用力  
古學者有古文尙書疏證四書釋地

孟子

生卒年月考

毛朱詩說校正困學紀聞

續朱子古文疑宋劉邠李燾馬端臨王應麟四家逸事身後子  
學林聚其未成之書爲潛邱劄記數來揚州有懷古詩

朱筠字竹君順天大興人進士官翰林督學安徽福建以世不  
明六書刻許氏說文以行于世庚子在揚州泛舟虹橋于安定  
梅花兩書院中訪續學能文之士身後刻有文集

錢大昕字曉徵號辛楣一號竹汀嘉定人甲戌進士官詹事學  
無不通謙以下士尤好獎進後學著有潛研堂詩文集廿二史  
考異金石文字跋尾三統歷述精深純粹合惠戴二家之學集  
爲大成弟大昭字晦之號可廬邑諸生著有廣疋疏義詩古訓

兩漢書辯疑後漢書補表說文統釋晦之子亦精六書著有孟子疏義

王昶字述庵號蘭泉青浦人進士從大將軍累建軍功以江西布政使司入爲刑部侍郎經學以鄭康成爲宗自名其齋曰鄭學齋獎勵後學好揚人善著有古今金石考詩文集若干卷又類集所知識之詩古文詞訂爲湖海詩傳湖海文傳二書侍郎自未弟及執政時往來邗上最多

沈初字雲椒浙江平湖人進士現官總憲工詩古文詞江南文士宗之總憲有揚州篠園看芍藥詩云篠園北近蜀岡偏夢尾今看奪衆妍環十畝花濃似繡坐三間屋敞於船暖風晴拂香

尤穢清露晨流色倍鮮携得春光滿歸舫自疑衫袖惹爐烟又  
有平山堂僧房看芍藥詩云寂寞閒庭位置宜不堪相護靜相  
依可憐嫩嫩婷婷裏艷影偏侵壞色衣佳種園林見者稀山僧  
特爲數芳菲小紅大白尋常有珍重稱名金帶圍所著有蘭雪  
堂集

袁枚字子才浙江錢塘人幼有才名舉博學宏詞不用成進士  
入翰林官江寧知縣有政聲罷官築清涼山中隨園著有小倉  
山房詩文集新齋諧諸書年八十餘每逢平山堂梅花盛時往  
來邦上以詩求見者如雲集焉

王鳴盛字鳳曄號禮堂一號西莊太倉人進士官光祿寺卿幼

時才學橫軼雄于屬文敏而好學勤于著述有尚書後案十七  
史商榷蛾術編周禮軍賦說苔岑集西莊始存稿吳中後學有  
所著述無不以光祿一言以驗是否

金榜字輔之歙縣人壬辰狀元官修撰幼與戴東原從事于江  
布衣慎修之門得其說禮之言著禮箋二卷徽之士翕然從之  
李汪度字實禮浙江仁和人工詩古文辭以孝友世其家官翰  
林學士終養歸里甲辰間 南巡時迎 鑾揚州上方寺

前童莊道旁特墩 異墩子鏞字古陶進士官翰林編修度  
曾字愚公舉人與兄同年官教諭

盧文昭字召弓號抱經浙江仁和人進士官翰林學士爲馮山

公景之外孫傳外祖之所學所校訂有董子繁露賈子新書白  
虎通方言西京雜記釋名顏氏家訓獨斷經典釋文孟子音義  
封氏見聞記三水小牘荀子韓詩外傳皆稱善本所著有儀禮  
新校鐘山劄記羣經拾補來揚州主秦西巖觀察家

邵晉涵字二雲餘姚人辛卯進士開四庫館舉用官至詹事所  
著爾雅正義可補邢氏之陋畧又有公羊傳孟子等疏義未行  
于世家居時甘泉令延修志書二雲以甘泉自雍正間始分志  
書宜從此起而未分縣以前皆入江都縣時有不合其議者遂  
未果

陸師字麟度  
人以時文名家官儀真令公明廉能邑人誦



之嘗燕大僚于湖上席終成四書文七篇同僚驚以爲神死之後因家焉其裔寧芝少聰慧爲邑中名諸生又戴潤字雨峯儀真生員工詩多平山堂遊讌詩傳爲絕唱

張書敷吳縣人丙戌狀元遊揚州時街市婦女聚而觀之既見其面一噓而散張適晤李進士道南問以故李曰先生爲戲劇中狀元所累耳張乃大笑

鈕玉字匪石元和人業賈販木棉舟船車驟之間必載經史以隨歸則寂坐一室著書終日每負販往來必經邗上留與邑中經學之士講論數日乃去

周六綸字理夫直隸天津人官彰化縣丞臺匪叛執之囚數日

罵賊而死賊平 贈雲騎尉長子琦負骨歸葬至揚琦卒停柩湖上兩月爲詩弔者甚多理夫與牛太守翊祖爲姻戚十年前在揚屢爲湖上之游虬鬚赤面予猶及見之也

汪啟淑字秀峯浙江杭州人官刑部員外郎性情古雅不羣刻有許氏說文系傳鄭樵通志續芳集一百卷漢印圖書譜無算因續芳集少二十卷徵詩來揚州持論與汪中多所抵牾拂衣而去

顧文烜字玉田吳縣人精于醫以張仲景爲法尤通素問靈樞之理揚州人以千金求其一至爲幸子之達字抱冲邑諸生好藏書築小讀書堆同郡黃丕烈字蕘圃亦藏書最多與抱冲並

稱抱冲弟廣圻字千里從段懋堂學六書音韻之學最精遍

談秦字星符江寧丙午舉人官山陽教諭學天文祿術于錢辛  
楣少詹述錢氏周徑新說云割圓舊法用六邊四邊起算內容  
外切屢求句股至無數多邊推得圓徑一億周三億一千四百  
一十五萬九千二百六十五自劉宋祖冲之元趙友欽以及近  
日西人無不皆然但就其法細推之似猶有未盡者其屢次所  
求之句股弦皆有其零不盡半以上收之半以下棄之雖爲數  
無幾而合全邊計之亦不爲不多矣嘗以方圓形互校欲求周  
徑之率必先知周徑之算大抵方徑算一方周算十六圓徑算  
一圓周算十此自然比例反覆不衰者試設員經算一億則員

周幕十億以一億開方得一萬爲員徑之數以十億開方得三萬一千六百六十六六六六不盡爲員周之數比舊法多二百五十有奇比所得之數亦有餘零然先設之幕積禾繫全數則開方本餘雖有不盡亦甚微矣舊法以一次之句股弦又爲二次之句股弦是本數先有其零反覆相求未有不衰者也且卽以周率之億一千四百一十五萬九千六百六十五自乘得九兆八千六百九十六萬。四百三十億八千五百三十四萬。二百二十五與十兆之數相近然則周幕爲經幕之十倍又何疑焉乃自劉宋以來用之至今並無乘舛必謂周率少無可考者不知尋常推算周經不過尺寸之間則周數所差只在分釐若設



篆書焉子錫字貢廷號補僧亦深于六書而篤于佛

蔣莘字于野徵蔚字蔣山夔字青荃蘇州元和人兄弟也爲明  
兵脩道蔣燦之後父曾煊有經濟才莘工詩文著有水竹莊詩  
鈔讀書好客有水竹莊圖東南文人柴翰殆遍徵蔚自天文地  
理句股算術詩文詞曲無所不通年方弱冠沈心疑格雙耳遂  
躋於經史之學尤邃以鄉康成爲漢末大儒所注三禮詩箋及  
周易今文尚書迄今有通之者而論語孝經無人闡發雖有惠  
氏所集王厚齋古注而因陋就簡不足以當闡發之目因作論  
語鄭注疏證十卷又有天學難問二卷北齊書證誤二卷補注  
周髀算經穆天子傳吳語解嘲諸書阮芸臺閣學爲刻其寫經

室詩文集夔工詩精于温李著有青荃集學者稱爲吳中三蔣  
尤蔭字貢夫儀徵人工詩畫從果親王出塞著有出塞集虹橋  
游咏詩多絕唱當代文士重之畫以蘭竹擅名偶一潑墨皆成  
傳作

陳實孫字又羣號師竹如臯諸生工詩善書法精于醫好交游  
廣聲氣著有春草堂集

程世淳字■徽州人進士官翰林書法二王有雲參鶴態往  
來揚州湖上多真蹟

曹文植字竹虛徽州人進士官戶部尙書子鎮字六畝業鹽居  
揚州淮北人多賴之振鏞進士官翰林侍讀族子雲衢官員外

天姿穎秀豪氣慨爽來往揚州篤于交游湖上人盛稱之

胡先聲涇縣人進士工詩有秋夜游平山堂詩云幾箇流螢飛石起淡雲疎雨又黃昏

耿蕙字石圃善射成進士有儒風官衛輝叅將孫弓字安叔磊落多奇氣亦善射有命中之技

奇豐額字飛川滿洲人工詩官江蘇巡撫有善政往來揚州觴詠平山堂稱盛事仁和詩人林遠峰性豪放不羈中丞延之座中

江紹莘字耕野號吟草徽州人工詩性磊落好交游與吳穀人太史友善著有詩文集



趙廷樞字介南江都人工詩文  
科副榜好獨立虹橋予恒  
于風雨時遇之

薛廷吉字藹人號漁莊家儀徵朴樹灣少工詩精於書法弱冠  
時爲莊中丞有恭所識 召試二等盧轉運延之幕中子溶字  
西青名諸生女泳字綠漪工詩文事母至孝爲鄭西橋御史熾  
子婦以賢孝傳

阮承裕字衣谷號溶江諸生性孝友篤於鄉稱長者著有德星  
堂文集子嗣興字栲香爲人慷慨好游山水

江嘉理字文密徽州人美鬚髯性豪邁工書善烹飪精於醫得  
小兒瘍痘秘法與分司楊廷俊友善子貫誠以醫傳瑁官廷泰

州舉人廷俊字西亭有經濟才不識一字熟於史事

董洵字小池

人工詩善篆書精於鐵筆往來揚州多重之

文元星字城北工詩城南人多從之遊城南王執林字希亭磊落瑰奇熟於史事與陳嘉蕙王晉藩以藏書稱

淮南藏書家以呂四劉氏爲最劉椿齡字華蔭

字貢九皆

如臯名諸生通州有楊世倫徐凌萬蘇子揚三家石港有周步文張繼堂二家孫汝寅家有王羲之墨蹟

汪坤字元至號玉屏旌德人工詩廣交游嘗於揚州集詩人爲會刻有陰香館合稿會中李天澂字九淵號疲仙窮而工詩汪俊字傑士號碧峰工詩畫湯振家字紹先號繡谷蕭炳字永著

號晴岩吳仁煜字春陵李澍字澍千號漁莊張鏐字子貞號老  
薑工詩畫秦昱字德明號岑樑李桐字于湯號栞軒許善字松  
圃胡保泰字東山山陰人葉建侯字冠伯號春屏丹徒人查善  
字楚珍號大其海昌人李齋生教授爲之序

巴源綬字金章歙縣人慰祖之兄少時有鄰女夜奔者閉戶拒  
之鄉里稱盛德長來揚州以鹽筴起家游湖上家有畫舫子  
樹恒字士能世其業運鹽場竈多奇計

洪錫恒字得天號菱塘年十二成諸生稱神童工詩文